

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

LXXVI.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

LXXVI.

HERMANNI ET FRIDERICI, MARCHIONUM BADENSIIUM, LITERÆ DE PRAEDIO ABBATIÆ TENNEBAC. VENDITO.

ANNO MCCXV.

Ex autographo Tennebacensi.

In nomine Sancte & individue Trinitatis. Nos HERMANNUS & FRIDERICUS *Marchiones de Baden* - - - intimamus quod cum dilectus fidelis noster Henricus de Lare predium a nobis quod est juxta *Spicembach* (a) in montanis, que a vulgo dicuntur *Brechebonot*, (b) jure feudali possideret, idem predium pro certa quantitate pecunie, XIII. videlicet marcharum & unius libre *Briscaugensis* monete recepta ab Abbate Bertoldo de Tennibach & ejusdem loci fratribus nobis sponte & pacifice resignavit, prece humili supplicans, ut jam dictum predium monasterio eidem traderemus jure perpetuo possidendum. Quia ergo liberalitas Principum circa honestas petitiones, que ad augmentum religionis spectare noscuntur, solet animum facilius inclinare, perpendentes utilitatibus animarum quam maxime expedire ut qui soli Domino vacare decreverunt, rebus exterioribus adjuventur, ut per hoc licentius spiri-

(a) Bihorio distans à Thennebaco, congeries curtium.

(b) Hod. Breitebnet.

talibus vacent exercitiis - - - ad petitionem dilecti consanguinei nostri Bertoldi Abbatis de Tennibach duximus voluntati hylari annuendum. Igitur pretaxatum predium prefato monasterio cum terris, pratis, cultis & incultis - - - libere & pacifice, ita quod nec nos vel predictus miles Henricus de Lare nec aliqua in toto mundo persona advocatie vel prorsus aliquod jus contra voluntatem fratrum de Tennibach in illo sibi audeat usurpare, libenti animo damus - - - volentes ut de pecunia data in precium sepe nominati predii, si nobis placuerit, a supradicto milite predium aliud ematur, quod a nobis loco predicti feodali beneficio possideat, ne venditionis predictæ occasione hominis ipsius debitum servitium amittamus.

Data Id. Martii in castro *Hahperc* Anno ab incarnatione Domini M. CC. XV.



LXXVII.

DE BERTOLDO V. ZARINGIÆ DUCE, TENNE-
BACENSIBUS INFESTO.

CIRCA ANNUM MCCXVI.

Ex Cod. Tennebac. vitæ B. Hugonis ord. Cisterc.

Dum piæ recordationis D. Papa Innocentius III. qui Romæ Coneilium celebravit, Apostolicæ fedi præsideret, prædictus *Dux de Zeringen* Tyrannidi suæ modum non ponens in Curia Romana non solum